


Gemeinde
Ralbitz-Rosenthal



Gmejnska nowina Ralbicy - Róžant



25. lětnik / 10. wudaće
Hamtske łopjeno
jutrownik 2015
26.03.2015

www.ralbitz-rosenthal.de
gemeinde@ralbitz-rosenthal.de

Wjesołe jutry



*Pój, witaj, nalěčo,
nam ponjes pruhu miću,
čiń stwórbu znowa žiwu,
k nam postup, přećelo,
pój witaj, nalěčo!*

Handrij Zejler



Wobzamknjenja gmejskeje rady Ralbicy-Róžant

W posedženju gmejskeje rady dnja 19.03.2015 su so scěhowace wobzamknjenja schwalili:

wobzamknjenje č. 07-03/2015

wobzamknjenje k načiskej wobtwarjenskeho plana "Sernjany – Zapadny džěl wsy - powjetšenje" po § 3 wotr. 1 BauGB

wobzamknjenje č. 08-03/2015

wobzamknjenje k wotwažowanju zapodatych stejišćow k změnje twarskich wustawkow "Šunow – Dr. Jurja Młynkowa dróha" po § 1 wotr. 7 a § 1a wotr. 2 sada 3 BauGB

wobzamknjenje č. 09-03/2015

wobzamknjenje k změnje wustawkow "Šunow-dr.J. Młynkowa dróha" po § 34 wotr. 4 č. 3 BauGB

wobzamknjenje č. 10-03/2015

wobzamknjenje k zběhnenju wobzamknjenja č. 01-01/2015 wot 22.01.2015

wobzamknjenje č. 11-03/2015

wobzamknjenje k wutworjenju wólbneho wuběrka za přewjedženje wólbow dnja 07.06.2015

wobzamknjenje č. 12-03/2015

wobzamknjenje k přepodaću nadawka k wotstronjenju škodow ze zymy 2012/2013 na Rakečanskej dróze w Konjecach (zasadženje přidatneho připokazanja)

Dohlad do protokola resp. wobzamknjenjow zjawneho posedženja w cyłym wobjimje je w času rečnych hodžin gmejskeho zarjada móžny.

Hubertus Ryčer
wjesnjanosta

Přichodna zhromadźizna gmejskeje rady Ralbicy-Róžant wotměje so štwórtk, dnja 07.05.2015 we 18.30 hodž. w sydarni gmejskeho zarjada w Róžeńće. Dnjowy porjad so přez městne wuwěški wozjewi.

<u>Rěčne hodžiny gmejskeho zarjada w Róžeńće</u>		<u>Nuzowe čisła</u>	
Póndželu	14.00 – 16.00 hodž.	milina	ENSO Netz GmbH 0180 2787902
Wutoru	14.00 – 16.00 hodž.	woda	ewag Kamenz 03578 377377
Štwórtk	14.00 – 18.00 hodž.	płun	EVSE Wittichenau 035725 7410
<u>Rěčne hodžiny wjesnjanosty w Róžeńće - po dorěčenju</u>		wopłóčki	AZV Am Klosterwasser 035796 96026
Štwórtk	15.00 - 18.00 hodž.	policija	110
		nuzowy lékař/wohnojowa wobora	112

IMPRESUM -Gmejska nowina gmejny Ralbicy- Róžant
Zamołwity: wjesnjanosta Hubertus Ryčer
Gmejnski zarjad
Při Marijinej studničce 8
01920 Róžant
Tel.: 035796 96832
Fax: 035796 96833
Mail: gemeinde@ralbitz-rosenthal.de
Internet: www.ralbitz-rosenthal.de
Towarstwa su za wobsah svojich stronow sami zamołwite.

**Redakciski kónc za wudaće
róžownika 2015: 13.04.2015**

**Prošu wšitke přinoški za nowinu
přez mailku na gmejnu pósłać.**

**Online-wudaće gmejskeje nowiny
pod: www.ralbitz-rosenthal.de**

Zjawne wozjewjenje - Öffentliche Bekanntmachung
frühzeitige Beteiligung der Öffentlichkeit nach § 3 (1) Baugesetzbuch (BauGB)
Bebauungsplan „Zerna - westlicher Ortseingang - Erweiterung“

Der Gemeinderat der Gemeinde Ralbitz-Rosenthal hat am 28.11.2013 für Teile des Flurstückes 117/5 der Gemarkung Zerna die Aufstellung des Bebauungsplanes „Zerna - westlicher Ortseingang - Erweiterung“ beschlossen.

Am 19.03.2015 beschloss der Gemeinderat die frühzeitige Öffentlichkeitsbeteiligung nach § 3(1) BauGB durchzuführen.

Mit der Aufstellung des Bebauungsplans werden folgende Ziele und Zwecke angestrebt:

Das bestehende Wohngebiet am westlichen Ortsrand von Zerna soll südlich der S97 Kamenzer Straße erweitert werden. Die künftige Bebauung soll sich in die Umgebung einfügen. Die Flächen für die geplante Wohnnutzung befinden sich im planungsrechtlichen Außenbereich, so dass die Aufstellung eines Bebauungsplanes erforderlich ist.

Die frühzeitige Öffentlichkeitsbeteiligung zum Bebauungsplan „Zerna - westlicher Ortseingang - Erweiterung“ findet im Zeitraum vom 09.04.2015 bis 11.05.2015 statt.


Die Öffentlichkeit hat nach § 3(1) BauGB die Möglichkeit, sich im Zeitraum vom 09.04.2015 bis einschließlich 11.05.2015 in der Gemeindeverwaltung Ralbitz-Rosenthal, Am Marienbrunnen 8 in 01920 Rosenthal während der Öffnungszeiten (Montag, Dienstag 14.00 bis 16.00 Uhr und Donnerstag von 14.00 bis 18.00 Uhr) und im Verwaltungsverband „Am Klosterwasser“, Poststraße 8 in 01920 Panschwitz-Kuckau während der Dienstzeiten (Montag und Mittwoch von 8.30 - 15.00 Uhr, Dienstag und Donnerstag 8.30 - 18.00 Uhr und Freitag 8.30 - 12.00 Uhr) frühzeitig über die allgemeinen Ziele und Zwecke der Planung, die Lösungen, die für die Entwicklung des Gebietes in Betracht kommen sowie die voraussichtlichen Auswirkungen der Planung zu informieren.

Stellungnahmen zur Planungsabsicht können bis zum 11.05.2015 mündlich, schriftlich oder zur Niederschrift bei der Gemeinde Ralbitz-Rosenthal, Am Marienbrunnen 8 in 01920 Rosenthal oder beim Verwaltungsverband „Am Klosterwasser“, Poststraße 8 in 01920 Panschwitz-Kuckau abgegeben werden.

Nicht fristgerecht abgegebene Stellungnahmen im Rahmen der Öffentlichkeitsbeteiligung können bei der Beschlussfassung über den Bebauungsplan gemäß § 4a Abs. 6 BauGB unberücksichtigt bleiben.

Entsprechend § 3 Abs. 2 Satz 2 BauGB wird darauf hingewiesen, dass ein Antrag nach § 47 der Verwaltungsgerichtsordnung (VwGO) unzulässig ist, wenn mit ihm nur Einwendungen geltend gemacht wurden, die vom Antragsteller im Rahmen der Auslegung nicht oder verspätet geltend gemacht wurden, aber hätten geltend gemacht werden können.

Róžant, 26.03.2015


Hubertus Ryćer
wjesnjanosta



**Gratulujemy wšitkim rentnarkam a
rentnarjam k narodninam a přejemy
krutu strowotu a Bože žohnowanje**



3. apryla	Jurij Kurink	Nowoslicy	75. narodniny
4. apryla	Hana Čornakowa	Hrańca	75. narodniny
7. apryla	Monika Čóšcyna	Ralbicy	76. narodniny
10. apryla	Marja Hrjehorjowa	Konjegy	73. narodniny
11. apryla	Edith Stindelowa	Šunow	71. narodniny
11. apryla	Monika Žurowa	Šunow	71. narodniny
11. apryla	Jurij Kilank	Šunow	78. narodniny
12. apryla	Erika Wjencyna	Sernjany	72. narodniny
13. apryla	Monika Lebzyna	Nowoslicy	82. narodniny
17. apryla	Pawoł Bernard	Smjerdźaca	89. narodniny
17. apryla	Hańža Šěnowa	Šunow	87. narodniny
18. apryla	Hańža Čornakowa	Ralbicy	77. narodniny
19. apryla	Hana Matcyna	Sernjany	81. narodniny
30. apryla	Rudolf Nowak	Smjerdźaca	74. narodniny

**Tež wšitkim njemjenowanym narodninarjam přejemy
wjele zboža, strowotu a derjeměće.**

Zjawne wupoženje naćiska hospodarskeho plana gmejny Ralbicy-Róžant za lěto 2015

Na wšitkich taflach w jednotliwych wsach informuje so w času wot 30.03.2015 do 06.04.2015 wo zjawnym wupožěnju naćiska hospodarskeho plana za lěto 2015.

Móžnosć k wobhladanju naćiska hospodarskeho plana z přitohami wobsteji w času wot 07.04.2015 hač do 17.04.2015 w Zarjadniskim zwjazku "Při Klóšterskej wodze" w Pančicach-Kukowje kaž tež w běrowje gmejny Ralbicy-Róžant.


Hubertus Ryćer
wjesnjanosta

**Wšitkim wobydlerjam našeje gmejny a čitarjam
gmejnskeje nowiny přejemy žohnowane jutry.**



Prěnje swjate woprawjenje

24 džěci přijimuje njedźelu, dnja 12. apryla w Ralbičan farskej cyrkwi k přěnjemu razej sakrament swjateho woprawjenja.



- z Ralbic: Josefina Debikec, Linda Isegrajec, Leticija Frenclec,
Vanessa Knopec, Johanna a Dorothea Šotćic, Filip Paška
- z Konjec: Clara Čornakec, Laura Čoškec, Hannah Šewcec, Janek Borška
Markus Čórlich, Samuel Pouckal, Jonas Šotta, Antonijus Wjenka
- ze Šěšowa: Sebastian Čornak
- ze Sernjan: Benjamin Grutka
- z Różanta: Mia-Katarina Hrjehorjec
- ze Smjerdźaceje: Anton Wićaz
- z Łazka: Anna-Lena Šewcec
- ze Šunowa: Maksimilian Tenne, Adrian Woko, Niklas Młodźink
- ze Sulšec: Ägidius Brězan



*Džensa, lube džěci, swita
swjaty dzeń Wam žiwjenja:
Jězus sam sej džensa wita
swoje bože džěcatka.*

*Wulka tole za Was radosć,
zo so k jědži poskića
Jězus, kiž je Waša žadosć,
rad so z Wami zjednoća.*

Twarski zawod Sorabia Różant

- Twarimy po Wašich přěcach -

Slědowace džěta Wam poskićamy:

- twar jedno- a wjacoswójbných domow
- přetwar a modernizowanje
- nutrkowny a wonkowny wobmjetk
- čěsliske džěta



KEDŽBU! RABAT w měsacomaj apryl a meja:

Za wšě přepodate twarske nadawki resp. džěta poskićamy 5% rabata.



Delanski Zvonč



Serbská základna škola Rabitz

jutrownik 2015 / číslo 44

Sorbische Grundschule Rabitz

Wjeselo na jutry

Šulerjo 4. lětnika přihotuja so na jutry. We wobłuku wučby wo jutrach rěča.

Wosebje wjeselachu so na wóskowanje jutrownych jejkow.



W slědowacych małych hrónčkach zwuraznja swoje wjeselo:

Wóskujemy jejka.

Jutry so bliža.

Chcu najrjeńše ješko wowce darić.

Wóskujemy jejka.

Trjebam rjane barby.

Wjeselu so.

Wóskujemy jejka.

Jutry so bliža.

Victoria

Wjeselu so na jutry.

Křižerjo zaso jěchaja.

Wjele ludži přijědže do Łužicy.

Wjeselu so na jutry.

Zajac schowa dariki.

Wóskujemy jutrowne ješka.

Wjeselu so na jutry.

Křižerjo zaso jěchaja.

Leon

Wjeselu so na jutry.

Mój kuzenk přeni raz sobu jěcha.

Jutry přindže jutrowny zajac.

Wjeselu so na jutry.

Chcu tež ješka wóskować.

Njemóžu dočakać, zo su jutry.

Wjeselu so na jutry.

Mój kuzenk přeni raz sobu jěcha.

Hana

Sportowe wubędźowanie

Štwórtek, dnja 12.03.2015 wubędźowachu so naši šulerjo 3.lětnika w Chrósćicach w sportowej družinje bul přez sak přećiwo mustwam z Halštrowa, Worklec, Pančic-Kukowa a wězo tež přećiwo hosćicielam z Chrósćic.

W modusu “kóždy přećiwo kóždemu” traješe jedna hra wosom mjeńšinow.

Wšitke hry běchu jara napjate a wosebje fairne.

Naše mustwo hraješe woprawdže wulkotnje, tak, zo suwerenje kóždu hru doby. Z tym skwalifikowachu so za zapadołužiske finale 26.03.15 we Wojerecach.

Wutrobnu gratulaciju a wjele wuspěcha!



Projekt 4. lětnika

Štwórtek, 22. wulkeho rózka 2015 přewjedźechu šulerjo lětnika 4/1 projekt k temje “Što je lubosć?”, kotryž knjeni Pröhlowa z Džěćaceje a młodžinskeje syće z Biskopic přewjedže. Hižo do projekta běchu holcy taflowy wobraz k tutej temje wuhotowali. Wšitcy pak tež prašenja na cedlki napisachu. Na započatku mjenowachu šulerjo, kak woni lubosć začuwaja a koho rady maja. Potom knjeni Pröhlowa šulerjam pokaza, hdže móžeš wšudže swój puls měrić. To hnydom wšitcy sami, ale tež pola partnera wuspytachu. Tež pukotanje wutroby słyšachu. Po tym rěčachu wo puberće. Na wulke łopjeno, kotryž na špundowanju ležeše, hólcy a holcy wobrysy čłowjeka narysowachu. W skupinskim džěle organy přirysowachu, kotryž so w času wuwica přeměnja. Šulerjo potom swoje džěla wuhódnočichu. Tež wšelakore pantomimiske hry pospytachu. Šulerjam je so tutón projekt lubił.

B. Młynkowa




Terminowa protyčka:

01.04.2015

13.04.-22.04.2015

transport jutrownych pakčikow do Jiřetina
steji kontejner za staru papjeru na parkowanišću
při šuli





Wolejbulowy turněr

Tež tute lěto zetkachy so stari a młodži sportowcy dnja 02.03.2015 w Ralbičan sportowej hali, zo bychu so we wolejbulu wubědźowali. Wot 18.00 hodź. započa so horcy bój wo 1. městno. 8-ki, 9-tki, něhdyše 10-tki, wólni hrajerjo, wučerjo a starši hrajachu wutrajnje a derje. Na kóncu rozsudźichu starši turněr za sebje, přenju sadźbu z 15:3 a druhu sadźbu z 15:6. Něhdyša 10-tka wobsadži 2. městno a naši wučerjo 3. městno.

Džakujemy so wšitkim sportowcam a euforiskim fanam. Přichodne lěto widźimy so zaso.

tekst: Alena Belkotec

Literariski wulět k „Lipšćanskim knižnym wikam“

Kóždy druhe lěto podaja so šulerjo našich wyšich lětnikow do Lipska, zo bychu tamniše „Knižne wiki“ wopytali. Tute lěto bě zaso tak daloko. Pjatk, dnja 13.03.15 wotjědźechu šulerjo 8., 9. a 10. lětnika rano z busom z Ralbic. Hnydom po našim přichadze zhromadźichmy so při stejišću LND, kotryž bě w jednej z pjeć halow zaměstnjeny. Hačrunjež njebě ani hišće připoždno, běchu knižne wiki hižo derje wopytane. W masy ludźi nadpadnychu najbóle tak mjenowani „Cosplayerjo“- fanojo mangaswěta- ze swojimi fantastiskimi kostimami.



Po krótkim postrowjenju rozdělchmy so do skupinow. Kóždy skupina dósta nadawk kaž na



příklad interviewowanje wšelakich nakładnistwow abo wobdźělenje na jednym z workshopow.

Hač do pózdneho popołdnja mějachmy čas, sej knižne wiki bliže wobhladać.

Nimo wjace hač 100 nakładnistwow buchu tež najnowše knihi předstajene, awtorojo čitachu ze swojich spisow a signěrowachu je za přihladowarjow. W „manga-hali“ njejsy móht jenož comicsy a figury kupić, ale so hnydom jako

„cosplayer“ šminkować a kostiměrować dać. Wězo buchu tute wiki live wusyłane kaž na příklad wot MDR a štóž měješe zbožo, bu wot jednoho jemu znateho moderatora interviewowany.

Tež, hdyž bu někotrym w masy spěšnje přewjele, běše to tola jara zajimawy wulět, na kotryž so tež najwjětši knižny wobužnik wjeselić móže.

tekst: Alena Belkotec

Naši lětuši křižerjo

předmjeno, mjeno	kotry raz	jěcha we wosadźe
šulerjo		
Dominik Šotta	1	Pančicy-Kukow
Julian Rjehor	1	Ralbicy
Syman Knop	1	Ralbicy
Michał Domanja	1	Kulow
Jakub Kurjat	1	Ralbicy
Wincenc Krječmar	1	Kulow
Lukas Knop	1	Ralbicy
Julian Bick	2	Ralbicy
Wito Kubańk	2	Ralbicy
Fabian Neter	2	Ralbicy
Alexander Žur	2	Ralbicy
Marko Ryčer	2	Kulow
Józef Krawc	2	Chrósćicy
Syman Sćapan	3	Chrósćicy
Daniel Diener	3	Ralbicy
Lucian Zahrodnik	3	Chrósćicy
wučerjo		
Uwe Macka	23	Chrósćicy
Achim Mič	26	Kulow
domownik		
Tomaš Langa	32	Ralbicy



*Julian Bick loni
jako nowačk a
Syman Sćapan
jako křižer
zhromadnje z
nanom
(foće: priwatne)*

***Přejemy wšitkim žohnowane jutrowne swjate dny
a wosebje wšitkim křižerjam daj Bóh zbožo na puć!***

INFORMACIJE - TERMINY - WŠELČIZNY

02.-12.04.2015	jutrowne prózdniny
17.04.2015	fotografowanje šulerjow
20.-23.04.2015	UNESCO-camp w Sebnitz
22.04.2015	zubnolěkarske přepytowanje, 6. lětnik
22.04.-06.05.2015	kontejner za staru papjeru, 5. lětnik
27.04.2015	wopyt krajneho sejma w Drježdźanach, 9. lětnik
27.04.-29.04.2015	olympiada serbskeje rěče we Wodowych Hendrichcach



Wjac hač 60 lět we wohnjowej woborje skutkowať

Na hłownej zhromadźiznje wohnjoweje wobory Konjegy-Šunow w januarje bu Jan Hrjehor za swoje dołholětne skutkowanje počesćeny. Poprawom je wón hižo 1952 ze 14 lětami do wohnjoweje wobory zastupiť. Kaž pak to z běrokratiju hižo prjedy běše, porjadne zapisali su jeho hakle 1954 a to liči. Hižo tehdy su pola wohnjoweje wobory na dobre wukubłanje wobornikow dźiwali. Tak dyrbyeše na mnohe zakładne wukubłanja a dalekubłanja do Kamjenca jězdzić, tam, hdžež je tež džensa hišće techniski centrum woborow wokrjesa. Jan specializowaše so na klumpu TS-8. Móže so samo hišće dopomniť, zo mějachu tam TS-4 stejo, kiž pak hižo njewužiwachu. Tež alarmowska technika je so změniť. Prjedy hač so přenja sirena na sčezor blisko mosta mjez Konjecami a Šunowom připrawješe, jězdžachu wobornicy při alarmje z blachowej trubu jedyn po Konjecach a druhí po Šunowje, zo bychu wobornikow do služby woťali. Najwjetši woheň, při kotrymž sobu hašeše, bě so palacy Čornakec statok w Hrańcy. Štyri wohnjowych woborow tam hašachu. Po tym, zo bě přeni woheň zhašany, dyrbyeše so dla móžnych zapalenjow stražować. Najlěpša klumpa na městnje bě Konječan-Šunowska TS-8. Tak dyrbyeše Jan při njej wostať a po napinacym hašenju dale stražować. Džensa so hižo druzy wo TS-8 staraja. Jako wuměnkar stara so z druhimi staršimi wobornikami wo karpowu hat. Wjednik wohnjoweje wobory Konjegy-Šunow Silvio Čórlich: „Džakuju so Janej za swoje dołholětne skutkowanje. Wjeselu so, zo so wón tež džensa hišće z lóštom do džěťa da a přeco zaso ze swojej wědu wo TS-8 po boku je, hdyž jeho trjebamy.“

Silvio Čórlich



Wot 23.03. – 02.04.2015 steji na parkowanišću Ralbičan šule kontejner za železo.



Wobydlerjo sej póstniski wóz młodžiny wobhladali

Konječan-Šunowska młodžina je lětsa zaso póstniski wóz twariła. Z hesłom „Bur pyta rancu- Bauer sucht Sau“ pokazachu na problemy młodych burow, kiž žanu žonu njenamakaja. Poprawom je hač do růžoweje pónđzele potajnstwo, za kajku temu so twarcy woza rozsudža. Dokelž pak sej kóždy do Kulowa dojěć njemóže, je młodžina wobzamknyła, jón znajmjeńša wjesnjanam džen zašo pokazać. Póstnisku njedželu tuž wjele wjesnjenjow tutón składnosć njeskomdžichu. Džěči smědžachu samo na wozu małe koło sobu jěć, mjeztym zo sej starši škleńčku horceho wina abo piwo popřachu. Při wšěm njebě dołho jasne, hač móže so lětsa docyła wóz twarić. Wothladajo wot dobrych idejow je přeco ludži trjeba, kiž wjele časa za natwar tajkeho woza wopruja. Nimale kóždy džen su wot spočatka lěta hač do póstnicow wóz twarili. Tež wobstaranje 10 metrow dołheho připowěšaka była džen a čezo. Na zbožo pak ma Kulowčan Beno Schlegel přeco wotewrjene wucho za twarcow póstniškich wozow. Hłowny zamołwity za natwar bě Beno Matka z Konjec: „Smy so relatiwnje skoku na temu ‘Bur pyta rancu’ dojednali. Twarski material smy hišće wot poslednich lět měli, nam pak su tež třěchikryjerska firma Měrcina Hrjehorja a kachlotwarc Stefan Čornak wupomhali. Džakujemy so tež pola awtozamkarnje Jurja Čorliča. Smědžachmy wóz w zamkarni wotstajić. Wysokosće dla njebě hižo móžno, wóz do bróžnje při towarstwowym domje stajić.“

D. Gruhn



SOKOŁ RALBICY/HÓRKI

A – Dypkowe a pokalne hry 04/2015

1. mustwo mužů – Sokol Ralbicy/Hórki

- 11.04. 15:00 TSV Wachau – Sokol Ralbicy/Hórki
19.04. 15:00 Sokol Ralbicy/Hórki – SJ Čisk
25.04. 14:00 Biskopičanske KT 08 2. – Sokol Ralbicy/Hórki

2. mustwo mužů – Sokol Ralbicy/Hórki

- 12.04. 15:00 Rakečanske ST 2. – Sokol Ralbicy/Hórki 2.
19.04. 13:00 Sokol Ralbicy/Hórki 2. – FSV Łuty
25.04. 15:00 HZ Hórniky – Sokol Ralbicy/Hórki 2.

Młodźina A – HZ Ralbicy/Chróścicy

- 26.04. 10:30 HZ Sokol Ralbicy/Hórki / SG Chróścicy 1981 – ST Huska

Młodźina B – HZ Ralbicy/Kulow

- 11.04. 10:30 HZ Sokol Ralbicy/Hórki / Módro-běli Kulow – HZ Horni kraj
15.04. 18:00 SZ Großaundorf – HZ Sokol Ralbicy/Hórki / Módro-běli Kulow
18.04. 10:30 HZ Wulka Dubrawa / Radwor – HZ Sokol Ralbicy/Hórki / Módro-běli Kulow
25.04. 10:30 HZ Sokol Ralbicy/Hórki / Módro-běli Kulow – ST Budyšin
02.05. 10:30 Sokol Ralbicy/Hórki – ST Haselbachtal (wokřesny pokal)

Młodźina C – HZ Kulow/Ralbicy

- 12.04. 10:30 HZ Módro-běli Kulow / Sokol Ralbicy/Hórki – HZ FC Łužica
19.04. 09:00 ST Módro-běli Njeswačidło – HZ Módro-běli Kulow / Sokol Ralbicy/Hórki
26.04. 10:30 HZ Módro-běli Kulow / Sokol Ralbicy/Hórki – HZ Hlinowc
03.05. 10:30 HZ Budestecy-Korzym – HZ Módro-běli Kulow (wokřesny pokal)

Młodźina D – HZ Ralbicy/Chróścicy

- 18.04. 10:00 HZ Sokol Ralbicy/Hórki / SJ Chróścicy – ST Běla/Cunnersdorf
25.04. 10:30 ST Steina – HZ Sokol Ralbicy/Hórki / SJ Chróścicy

Młodźina E – Sokol Ralbicy/Hórki

- 17.04. 17:30 Sokol Ralbicy/Hórki – DJK Módro-běli Kulow
25.04. 10:00 Zeleno-běli Sepicy – Sokol Ralbicy/Hórki
08.05. 17:30 Sokol Ralbicy/Hórki – HZ LSV Hory / Čisk / FC Łužica Wojerecy

Młodźina F – Sokol Ralbicy/Hórki

- 17.04. 17:30 Wojerecy 1919 1. – Sokol Ralbicy/Hórki
26.04. 11:00 Sokol Ralbicy/Hórki – HZ Laubusch / LSV Bluń

B – Dynamocamp w Ralbicach wot 20.07.15 – 24.07.15

dalše informacije: <http://www.dynamo-dresden.de/nachwuchs/fussballschule/kalender.html>

C – Sportowa wuměna w juniju

Prošu material za knihu „50 lět sportowa wuměna“ k dispoziciji stajić – Jan.Rehor@gmx.de !!!